

समे .1815

<><><><><><>

## Headlines

- 1 प्रधानमंत्री नरेन्द्र मोदी होरें श्रीनगर च आखेआ जे जम्मू कश्मीर दा नोजवान मोदी सरकार तैहत सशक्त होआ करदा ऐ।
- 2 वर्ल्ड फूड इंडिया प्रदर्शनी नमीं दिल्ली च शरू। प्रधानमंत्री होरें आखेआ जे सरकार खाद्य क्षेत्र च नमियां काहडां, स्थिरता ते सुरक्षा लेई वैश्विक मानक स्थापत करने लेई वचनें बज्झी दी ऐ।
- 3 राष्ट्रपति द्रौपदी मुर्मू होरें जोर पाइयै आखेआ ऐ जे सफाई-सुथराई कन्नै गै देस सेहतमंद ते विकसित होई सकदा ऐ।
- 4 प्रधानमंत्री नरेन्द्र मोदी इस म्हीने दी 21 थमां 23 तरीकै तगर अमरीका दे अपने त्रऊं दिनें दे दौरे पर रौंहगन। अमरीका च बसे दे भारतीयें ते बक्ख-बक्ख विदेशी भ्यालें कन्नै बी गल्लबात करगंन।



## PM Rally(byte)

प्रधानमंत्री नरेन्द्र मोदी होरें आखेआ ऐ जे जम्मू कश्मीर दे नोजवानें दा विश्वास इक बारी फही लोकतंत्र च ब्हाल होआ ऐ ते उंदे अंदर एह भावना आई दी ऐ जे उंदा वोट बड्डी तब्दीली आहन्नी ऐ ते इयै उंदे सशक्तकरण दी दिशा च पैहली गैह ऐ। अज्ज श्रीनगर दे शरे कश्मीर स्टेडियम च इक चुनावी रैली दरान भाषण दिंदे होई मोदी होरें आखेआ जे बीजेपी जम्मू कश्मीर दा राज्य दा दर्जा ब्हाल करने दा अपना वादा पक्क गै पूरा करोग। उनें आखेआ जे जम्मू कश्मीर दे नोजवान हुन बेस्हारा नेई हैन ते उनेंगी मोदी सरकार हेठ सशक्त बनाया जा'रदा ऐ। उनें आखेआ जे उनेंगी खुशी ऐ जे प्रदेश बीजेपी नै युवाएं दे रोजगार लेई केई घोषणां कीतियां ल। मोदी होरें आखेआ जे कल पैहले गेड़ दे चुनावं च बड़ी बद्ध गिनतरी च मतदान करियै प्रदेश दे लोकें इतिहास रची दित्ता ऐ। उनें आखेआ जे पैहली बारी प्रदेश च आतंकवाद दे डर-त्राह बगैर पैहली बारी चुनावं होए न। मोदी होरें लोकें गी अपील कीती जे ओह दुए गेड़ दे चुनावं तैहत औंदी 25 सितम्बर गी बी रिकार्ड गिनतरी च मतदान करन। उनें आखेआ जे घाटी च रमानदारी दी बदौलत गै जी-20 सम्मेलन ते स्यालु

खेड्डें दा आयोजन मुमकन होआ ऐ। इस मौके पर घाटी दे लोकें  
आखेआ.....

<><><><><><>

## PM Rally Katra

प्रधानमंत्री नरेन्द्र मोदी होरें अज्ज जम्मू संभाग दे रियासी जिले दी  
कटड़ा थाहर इक चुनावी रैली च भाषण दिंदे होई लोकें गी  
आखेआ जे ओह असैंबली चुनाएं च पूरी समझदारी कन्नै मतदान  
करन की जे एह चुनां जम्मू कश्मीर दे भविक्ख कन्ने जुड़े दे न।  
ओह अज्ज जम्मू कश्मीर च प्रधानमंत्री हुंदी दूई रैली ते इक हफते  
दरान प्रदेश च कीती गेदी त्रीह रैली ही। बीजेपी दे हक्कै च प्रचार  
करदे होई मोदी होरें आखेआ जे एह चुनां जम्मू कश्मीर गी  
नमिएं उंचाइएं तगर पजाने आस्तै होआ करदे ः उनें लोकें गी  
आखेआ जे बीजेपी नै खित्ते दे लोकें दे हितें गी तरजीह दित्ती ऐ  
ते दहाकें थमां इस खित्ते कन्नै होआ करदी फर्कोफर्की गी बी  
खत्म कीता ऐ।

<><><><><><>

## Gadkari Rajouri(byte)

शिड़क, ट्रांसपोर्ट ते जरनैली शिड़कें सरबंधी केन्द्री मंत्री नितिन गडकरी होरें बन्ने आले जिले राजौरी दे दूर—दरेड़े बुद्धल इलाके च इक जनसभा गी संबोधत कीता। इस मौके पर उनें शिड़क संपर्क ते जरनैली शिड़कें दे सुधार च जम्मू कश्मीर सरकार दिएं केई उपलब्धिएं पर लोह पाई। गडकरी होरें आखेआ जे उंदी मंशा ऐ जे जम्मू कश्मीर दे नोजवान अपनी समर्थ दे दम पर उप्पर उट्ठन, इत्थें कालेजें दा निर्माण होए ते इत्थें दे बच्चे आईएएस, आईपीएस बनन.....

<><><><><><>

## World Food India

प्रधानमंत्री नरेन्द्र मोदी होरें आखेआ ऐ जे सरकार देसै दे खुराक—क्षेत्र च नवाचार, स्थिरता ते सुरक्षा दे वैश्विक मानक स्थापत करने लेई वचनें च बज्झी दी ऐ। अज्ज नमीं दिल्ली दे भारत मंडपम च आयोजित वर्ल्ड फूड इंडिया 2024 प्रदर्शनी दे मौके पर इक वीडियो संदेश च प्रधानमंत्री होरें आखेआ जे भारत च इक जीवंत ते बन्न सबन्नी खाद्य—संस्कृति ऐ। करसान, देसै दे खुराक तंत्र दी रीढ़ न। सरकार करसानें दी मदद लेई नमियां

नीतियां लेइयै आवा'रदी ऐ। प्रधानमंत्री होरें आखेआ जे सरकार देसै च रोजगार दे मौके पैदा करने लेई आधुनिक बुनियादी ढांचे ते श्रृंखलाएं दा इक मजबूत तंत्र बना'रदी ऐ। प्रधानमंत्री होरें वर्ल्ड फूड इंडिया 2024 च केइएं देसें दी भागीदारी पर आखेआ जे एह दुनिया कन्नै कम्म करने दा इक आदर्श मंच ऐ। उनें मेद प्रगट कीती जे इस मंच पर खुराक सुरक्षा गुणवत्ता मानकें ते बेह्तरीन प्रथाएं जनेह व्यापक मुद्दें पर चर्चा कीती जाग। उनें आखेआ जे सरकार आधुनिक ढांचे दा इस सशक्त माहौल तैआर करा'रदी ऐ। एहदे अलावा इक तगड़े सप्लाई चेन सरिस्ते कन्नै मुख्यै च रोजगार दे मौके बी बधी जांगन। प्रधानमंत्री होरें खाद्य डब्बाबंद सेक्टर, प्रधानमंत्री किसान सम्पदा योजना, लौहके खाद्य डब्बाबंद उद्यमें, खुराक गी डब्बाबंद करने आले उद्योगें दे डतपाद कन्नै बवस्था रियायत स्कीम लेई 100 प्रतिशत प्रतक्ख विदेशी निवेश दी सारत कराई। प्रधानमंत्री होरें आखेआ जे सरकार लौहके उद्यमिं गी सशक्त करने बक्खी ध्यान केन्द्रित करा'रदी ऐ तां जे ओह वैश्विक अर्थ-बवस्था दा अहम हिस्सा बनी सकन। वर्ल्ड फूड इंडिया 2024 व केइएं मुख्यें दी शमूलियत बारे प्रधानमंत्री होरें आखेआ जे पूरी दुनिया कन्नै कम्म करने लेई एह इक आदर्श मंच ऐ।



## Rajouri Home Voting(byte)

राजौरी जिले च मतदान कशा पैहले जिला चुनां अफसर राजौरी अभिषेक शर्मा होरें राजौरी जिले दे बर्जुग नागरिकें ते दिव्यागें गी उंदे घरै च मतदान करोआने आली प्रक्रिया तैहत मतदान टीम गी राजौरी दे पी.जी.कालेज दे अहाते थमां झंडी दस्सियै रवाना कीता। इस मौके बोलदे होई जिला चुनां अधिकारी होरें दस्सेआ जे एह मतदान टीमां योग्य बर्जुग मतदाताएं ते दिव्यांग मतदाताएं गी जिले दे सब्बने 6एं असैंबली हल्कें च घरा थमां गै अपना वोट पाने दी सहूलत उपलब्ध करोआंगन। इस मौके बोलदे होई जिला चुनां अफसर राजौरी अभिषेक शर्मा होरें आखेआ.....

घरै थमां वोट पाने आले इक मतदाता दा आखना हा.....



## Poonch Voters(byte)

चुनां विभाग आस्सेआ पुंछ जिले दे चंडक इलाके च स्वीप तैहत अज्ज मतदाता जागरूकता रैली दा आयोजन कीता गेआ जेह्दे च कुड़िएं दे चंडक आले हाई स्कूल दिएं विद्यार्थिएं बी हिस्सा लैता। स्वीप दी टीमै मगरा सरकारी हाई स्कूल चंडक च इक जागरूकता

कार्यक्रम लोआया जेह्दे च वरिष्ठ नागरिकें, बूथ स्तरी जागरूकता समूह दे सदस्यें ते मतदान सरबंधी साक्षरता क्लब दे सदस्यें शिरकत कीती। इस मौके बोलदे होई स्वीप टीम दिएं सदस्य गगनदीप कौर होरें आखेआ.....

<><><><><><>

## **SVEEP Poonch**

स्वीप पैहलकदमी तैहत जिला पुंछ दे जॉगरज पार्क च इक सांस्कृतिक प्रोग्राम दा आयोजन कीता गेआ। इस आयोजन च त्रऊं स्कूलें दे विद्यार्थिएं पूरे जोश ते जज्बे कन्नै हिस्सा लैता। विद्यार्थिएं इस दरान मनपांदियां प्रस्तुतियां दित्तियां जिंदे च नाच, देशभक्ति संगीत ते मतदाताएं गी जागरूक करने आले गीत शामिल हे। स्वीप टीम नै विद्यार्थिएं कन्नै रलियै लोकें दा आह्वान कीता जे औंदे 25 सितम्बर गी होने आले असैंबली चुनाएं च बधी-चढ़ियै हिस्सा लैन। उनें इस लोकतांत्रिक उत्सव च शामिल होने लेई नागरिकें गी प्रोत्साहित कीता। मगरा स्वीप दी टीम नै प्रोग्राम गी सफल बनाने लेई शिरकत करा'रदे स्कूलें दे प्रबंधनद । धन्नबाद बी कीता।

<><><><><><>

## Prez. Cleanliness

राश्ट्रपति द्रौपदी मुर्मू होरें आखेआ ऐ जे छड़ी साफ-सफाई गै देसै गी सेहतमंद ते विकसित बनाग। ओह अज्ज मध्यप्रदेश दे उज्जैन च सफाई-मित्र सम्मेलन गी संबोधत करै करदियां हियां। उनें गलाया जे पिछले 10एं ब'रे दरान चलाए गेदे स्वच्छता अभियानें देसै च बड्डे बदलाव आहन्ने न। राश्ट्रपति होरें मध्यप्रदेश च उज्जैन ते इंदौर बश्कार 6 लेन आली जरनैली शिड़क लेई वर्चुअल तरीके राएं नींह पत्थर बी रखेआ। मध्यप्रदेश दे बाद राश्ट्रपति होर झारखंड दे दौरे पर होंगन जित्थें ओह कल रांची च आईसीएआर-राश्ट्री माध्यमिक कृषि संस्थान दे शताब्दी समारोह च शामिल होंगन।

<><><><><><>

## MEA PM US Visit

प्रधानमंत्री नरेन्द्र मोदी होर इस म्हीने दी 21 तरीक शा 23 तरीक तगर अमरीका दे दोरे पर होंगन। अज्ज नमीं दिल्ली च इस बारे मीडिया गी जानकारी दिंदे होई विदेश सचिव विक्रम मिसरी होरें दस्सेआ जे इस दरान प्रधानमंत्री केई दपक्खीते बहु-पक्खी मामलें पर चर्चा करगंन। प्रधानमंत्री होर केई विदेशी नेताएं कन्नै



गल्लबात करगंन ते अमरीका च भारती समुदाय गी बी संबोधत करगंन। मिसरी होरें दस्सेआ जे श्री मोदी होर केई अपारिक ते औद्योगिक प्रमुखें कन्नै मलाटी बी करगंन। विदेश सचिव होरें दस्सेआ जे मोदी होर औंदे शनिवारें क्वाड नेताएं दे चौथे सम्मेलन च शामल होंगन ते सम्मेलन थमां बक्ख-बाहरें ओह केई नेताएं कन्नै दपक्खी बैठका करगंन। उनें इब्बी दस्सेआ जे भारत अगले ब'रे क्वाड सम्मेलन दी मेजबानी करोग। मिसरी होरें दस्सेआ जे प्रधानमंत्री होर ऐतवारें प्रवासी भारतीयें कन्नै गल्लबात करगंन ते संगारें ओह न्यूयार्क च संयुक्त राष्ट्र महासभा च भविक्ख सरबंधी शिखर सम्मेलन गी संबोधत करगंन। इस सम्मेलन थमां बाहरें प्रधानमंत्री होर केई वैश्विक नेताएं कन्नै दपक्खी बैठकां करगंन। विदेश मंत्रालय मूजब, प्रधानमंत्री होर आर्टिफिशल इंटेलीजेंस, क्वांटम कम्प्यूटिंग, सेमीकंडक्टर ते जैविक तकनीकें जनेह अज्जे कल्लै दे खेत्तरें च सैहयोग गी बढ़ावा देने आस्तै प्रमुख अमरीकी कंपनिएं कन्नै बी गल्लबात करगंन।

<><><><><><>